

BESTELAKO XEDAPENAK

LURRALDE PLANGINTZA, ETXEBIZITZA ETA GARRAIO SAILA

3356

EBAZPENA, 2021eko maiatzaren 11koa, Garraio Azpiegituren zuzendariarena, zeinaren bidez jendaurrean jartzen baita «Eubako trenbide-pasagunea kentzeko zubibidearen eraikuntza-proiektua (Bilbao-Donostia linearen 25+387 KP)» proiektuak ukitutako ondasun eta eskubideen zerrenda.

Garraio Azpiegituren zuzendariaren 2021eko maiatzaren 4ko Ebazpenaren bidez, «Eubako trenbide-pasagunea kentzeko zubibidearen eraikuntza-proiektua (Bilbao-Donostia linearen 25+387 KP)» proiektua onetsi zen.

Proiektuak trenbidearen gainetik pasabide bat egiteko beharrezkoak diren obrak zehazten ditu, Euba eta Bernagoitia auzoak lotzen dituen BI-4337 errepideari jarraipena emateko.

Proiektuaren xedea da gaur egun aipatutako errepidean dagoen trenbide-pasagune langaduna kentzea (trenbide-pasagune horretan Amorebieta-Etxano udalerriko Euba auzotik igarotzen den Bilbao-Donostia linearen trenbideak gurutzatzen dira) eta, modu horretan, erabiltzaileen segurtasuna handitzea.

Lursailak lortzeko eta ukitutako ondasun eta eskubideak kudeatzeko, proiektuak ondasun eta eskubide horien identifikazioa biltzen du. Horretarako, desjabetzeen eranskinean ageri dira lurzati-zen zerrenda eta planoak.

Organo honek eskumena du garraio-azpiegituraren arloko jarduerak betearazteko beharrezkoak diren desjabetze-espeditenteak izapidetzeko, Eusko Jaurlaritzako Lurralde Plangintza, Etxebizitza eta Garraio Sailaren egitura organikoa eta funtzionala ezartzen duen urtarrilaren 19ko 11/2021 Dekretuaren 16.2.c) artikulua xedatzen duenaren arabera.

Trenbide Sektorearen irailaren 29ko 38/2015 Legearen 6.2 artikulua xedatutakoaren arabera, beste lursail batzuk erabili beharra dakarten trenbide-lineen proiektuak, horien tartekak edo tren-azpiegituraren beste elementu batzuk eraikitzeke proiektuak edo lehendik zeuden azpiegiturak aldatzeko proiektuak onartzen direnean, onespenez berekin ekarriko du onura publikoaren edo gizarte-interesaren deklarazioa, lursail horiek okupatu beharra izatea eta okupazio hori premiazkoztat deklaratzeko, ukitutako eta identifikatutako ondasun eta eskubideen nahitaezko desjabetzearen ondorioetarako.

Nolanahi ere, proiektua onartzeak inplizituki berekin dakarren arren proiektuak ukitutako ondasunak eta eskubideak okupatu beharra, Nahitaezko Desjabetzeari buruzko 1954ko abenduaren 16ko Legearen 17.2, 18. eta 19.2 artikuluek ondasun eta eskubide horien xehetasunak jasoko dituen zerrenda egin eta jendaurrean jarri behar dela ezartzen dute, nahi duenak alegazioak eta datuak aurkeztu ahal izan ditzan, okerrak zuzentzeko eta interesdunak zeintzuk diren ondo zehazteko.

Hortaz, aipatutako xedapenak, horiekin bat datozenak eta aplikatu beharreko gainerakoak ikusirik, honako hau

EBAZTEN DUT:

Jendaurrean jartzea «Eubako trenbide-pasagunea kentzeko zubibidearen eraikuntza-proiektua (Bilbao-Donostia linearen 25+387 KP)» proiektuak ukitutako ondasun eta eskubideen zerrenda,

2021eko ekainaren 11, ostirala

ebazpen hau azken aldiz argitaratu eta hurrengo egunetik aurrera hamabost (15) egun balioduneko epean alegazioak aurkeztu ahal izan daitezten, okerrik baldin badago zuzentzeko, hala ezartzen baitute Nahitaezko Desjabetzeari buruzko 1954ko abenduaren 16ko Legearen 19.2 artikulua eta horrekin bat datozenek. Alegazioak Lurralde Plangintza, Etxebizitza eta Garraio Saileko Garraio Azpiegituren Zuzendaritzan aurkeztu beharko dira (Donostia kalea, 1 - Lakua 1, 01010 Vitoria-Gasteiz).

Aipatutako epean, ondasun eta eskubideen zerrenda Amorebieta-Etxanoko udaletxeko iragarki-oholean ere erakutsiko da jendaurrean.

Honen berri ematen da, denak jakitun egon daitezten.

Vitoria-Gasteiz, 2021eko maiatzaren 11.

Garraio Azpiegituren zuzendaria,
MARÍA DOLORES DE JUAN DE MIGUEL.

2021eko ekainaren 11, ostirala

ERANSKINA

Finka zenbakia	Katastroko erreferentzia eta udalerria	Jabea eta helbidea	Afectazio mota (m ²)		Izaera
			Okupazio iraunkorra	Aldi baterako okupazioa	
001	003-82-01-002 Amorebieta-Etxano	Olabarric, S.A.	614	559	Belardia
002	003-82-01-003 Amorebieta-Etxano	Altamira Santander Real Estate, S.A.	428	333	Belardia
003	003-82-01-001 Amorebieta-Etxano	Altamira Santander Real Estate, S.A.	176	1137	Belardia
004	003-82-01-004 Amorebieta-Etxano	Altamira Santander Real Estate, S.A.	592	139	Belardia
005	- Amorebieta-Etxano	Amorebieta-Etxanoko Udala	2506	1608	Parkea, aparkalekua
006	- Amorebieta-Etxano	Red Ferroviaria Vasca-Euskal Trenbide Sarea	453	84	Trenbideak
007	003-021-068 Amorebieta-Etxano	Amorebieta-Etxanoko Udala	549	123	Belardia
008	003-021-069 Amorebieta-Etxano	Leire Bilbao Marina José Luis Deocare Pulpeiro Mercedes Marina Ortega Mario Bilbao Goiriena	13	8	Belardia
009	003-021-070 Amorebieta-Etxano	María Jesús Atucha Bernaola Mikel Atucha Bernaola Juan Agustín Atucha Bernaola	1151	166	Fruta- landaketa
010	003-021-071 Amorebieta-Etxano	Iñaki Xabier Oleaga Azpitarte María Amaya Barrenechea Aldecoa	573	308	Belardia
011	003-021-074 Amorebieta-Etxano	José Domingo Aguirre Zamalloa	1393	308	Belardia